

Date – 30/05/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

1. Cyclone Remal avanga Aizawl leh a chhehvela chhياتna hrang hrang thlenga nunna chan zat chu mi 30 vel an tling a, ruang zawn hna hi vawiin hian chhunzawm a ni ang.
2. Cyclone Remal avanga thlipui thawk leh ruahpui vanawn sur Aizawl District in tuar nasa ber a, vawiin thlengin khawkar kawng ping engemawzat a la awm a ni.
3. Lok Sabha inthlan thawsarihna leh a tawp ber tur atana campaign theih hun chu vawiinah a tawp ang.
4. Pakistan-a lirthei chesualah mi 28 aia tlem lo an thi a, midang 20 in hliam an tuar.



CYCLONE

Cyclone Remal avanga Aizawl leh a chhehvela chhياتna hrang hrang thlenga nunna chan zat chu mi 30 vel an tling a, ruang zawn hna hi vawiin hian chhunzawm a ni ang.

Central YMA kaihhruai hnathlangah hian vawiin hian Melthumah Tuikual South, Tuikual North, Vaivakawn, Venghlu, College Veng, Dawrpui Vengthar, Bungkawn Vengthar, Dawrpui, Zarkawt leh Upper Republic te an hnatlang anga,

Hlimen ah, Mission Veng YMA, Khatla, Khatla South, Nursery Veng leh Bungkawn Veng te an chhuak ang.

Chhياتna thlengah hian nimirpiah khan hmun hrang hrangah ruang 28 hmuh a ni a, hriat theih chinah nimirpiah 2 hmuh belh leh niin heng te hi Mizo pakhat leh hnamdang pakhat an ni a, ruang la hmuh loh hi zawn chhunzawm zel a ni.

Melthum veng chhياتna thlengah nimirpiah ruang 13 hmuh a ni a, nimirpiah khan hmeichhe ruang hmuh belh leh niin Melthum ah hian ruang zawn mek Mizo pali leh hnam dang 2 an awm niin thudawn a ni.

Melthum Branch YMA Treasurer Pu Levia Vanlalruata chuan YMA branch hrang hrangin hnatlangin an puih thu Akashvani corr a hrih a, member 1000 dawn an thawkchhuak tih sawiin heng bakah hian National Disaster Response Force bakah

Fire and Emergency Services, Disaster Management & Rehabilitation Department
leh Save the Riparian bakah Assam Rifles te an thawkchhuah a ti bawk.



ROAD BLOCK

Cyclone Remal avanga thlipui thawk leh ruahpui vanawn sur Aizawl District
in tuar nasa ber a,

Aizawl - Chhim lam kawng, Trinity hospital piah a min chu then fai ni tawh
mahse hmun thenkhatah leimin a awm thar leh avangin kawng a ping leh a, Aizawl
lam atangin kawng tih tlang tumin theihtawp an chhuah a. Hualngo lam atangin
nawr bawkin rang taka tih tlang tumin theihtawp an chhuah tih PWD hotute chuan
an sawi.

Aizawl leh Chhimpheia khaw hrang hrang khaw kar kawng leiminin a hnawh
pin avang hian harsatna nasa tak a thleng a, harsatna karah mipui chuan theihtawp
chhuahin tanpui ngai leh chhanchhuah ngai te an chhawmdawl a,

Heilai kawng hi lirthei a kaltlang theih anih loh avangin ruang zawn leh damlo
phurh thu ah Chhimpheia khaw hrang hrang tangrualin anmahni khua theuhah
inhlanchhawngin an hnaih ber damdawiin ZMC an thlen thei a ni.

Nimin khan Salem Veng leimina thi, Lalvohbiki chu Pangzawl khuaa pasal
nei anih avangin Pangzawl thlen turin Melthum thleng lirtheia phurh phei a ni a, heta
tang hian khaw tinin a ruang hi zawnin an inhlanchhawng a, Sumsuih thleng zawnin
Sumsuih atang hi chuan lirthei a tlang theih tawh avangin lirtheia phurh a ni ang.

Melthum atanga Sumsuih thlen tur hian, Hualngohmun-Melriat-Kelsih-
Falkawn-Muallungthu-Tachhip-Aibawk-Sateek-Maubuang leh Thiak te paltlangin
hetah hian YMA leh VC huaihawtin khawtin mi tlawmngai ten ke in an zawn a ni.

Hetiang bawk hian Phulpuia leimina hliam 1 chu ZMC thlen turin nimin khan
khaw hrang hrangin an inhlanchhawng bawk a, damlo leh harsatna nei te pawh an
zawn a ni.

Chhim lam atanga lo phei hi Sumsuih atangin khaw tinin an ramriah theuh an
lo hmuak. Khawkar kawngah leimin avanga kawng ping hi hmun engemawzatah a
awm.

Phulpuia in chimin a delh pawh zawn niin ZMC thleng zawn thlen a ni.



CEMETARY

Aizawl khawchhunga chhiatna thleng zingah, thlanmual min a awm nual a,
veng hrang hranga thlanmual minin, thlan chhia hi 200 vel a tling ni a thudawn a ni.

Aizawl-a Mualpui, Republic Veng, Kanan Veng leh Kulikawn Veng
thlanmual te a min a, nimin leh vawiin lamah hnatlangin khawtlang chuan a siamthat
hna an thawk a ni.



KOLASIB

Tlawng lui lianin Bairabi khua hmun thenkhat a harsatna a thlen mek a,
Bairabi khawtlang hruaitute tarlan danin tui lian avang hian chhungkaw 21 chu
hmun him lam ah sawn chhuah an ni a. Tui lianin lawng te a lak bo loh nan tlaivarin
vengtu an indah a ni.

Tlawng lui hi kum 1989, 2008, 2017 leh 2018 khan nasa takin a lo lian tawh a, hemi avang hian kumin fur lo thleng tur atan pawh hian khawtlang hruaitute an lo inhmakhua lawk a. Amaherawhchu tui lian hian Tlawng kam a huan siam thahnem tak a tichhia a, ruah a sur belh rih loh avangin tui lian pawh a kam ve zel rih niin khawtlang hruaitute chuan an sawi a ni.

Bairabi hi nimin khan Kolasib DC Pu John LT Sangan a tlawh a, Bairabi khawtlang hruaitute nen tui lian vang a harsatna tawh chungkua te chhawmdawl dan tur an rel a ni.



57 HOUSES EVACUATED IN SAIRANG

Tlawng nasa taka lian avangin Sairang khuaa chhungkaw 57 chu hmun him lama thiar chhuah niin hriat theih chinah tui len ber tum ni a sawi a ni.

Sairang Branch YMA Secretary HVL Muanpuia sawi danin nimin lama ruah sur avang hian chhungkaw 57 lai chu hmun him lamah thiarchhuah niin heng bakah hian Kali Mandir, Muslim biakin, school leh Anganwadi te chu tui hian a chim bawh a ni.

Hetihlai hian nimin lamah ruahtui a tlak belh tawhloh avangin tui pawh a kam hret a, chhungkaw thenkhat chu an chenna inah an inthiar lut leh mek a ni.

Sairang Branch YMA Secretary chuan tun tuma tuilian in a chim chin chu an hriat theih chinah a san ber tum a thleng a ti a, Kum 2018 kuma Disaster Management and Rehabilitation Department in a chim chin lung a phun pawh a pel tih a sawi a ni.



DM&R SECRETARY

Disaster Management & Rehabilitation department Secretary Pi K. Lalrinzuali, chuan Cyclone Remal lo thleng turah hian District Disaster Management Authority hrang hrang te hmalaknaa theihtawp chhuaha lo inralrin ni mah se thli leh ruah nasa lutuk avangin chhياتna tam tak a thleng a ti a.

Electric line hrang hrang a chhيات nasat avangin inbiakpawhna thlengin harsatna a awm tih sawiin chhياتna chungchang report an pekchhuah tur pawh an duh anga ranga an inpek tawn theih loh thu leh, hei hian harsatna hrang hrang a thlen thu a sawi a. Sorkar department hrang hrang leh chhياتna thlenna hmuna khawtlang mipuite tanrualna chu lawmawm a tih thu a sawi a ni.

Pi K. Lalrinzuali chuan nimin tlai thlenga department chhinchhiah danin Mizoram chhunga khaw 167-ah chhياتna a thleng a. Aizawl district-ah hmun 59, Lunglei district-ah hmun 30, Siaha district-ah hmun 9, Champhai district-ah hmun 12, Kolasib district-ah hmun 8, Serchhip district-ah hmun 11, Lawngtlai district-ah hmun 8, Mamit district-ah hmun 11, Saitual district-ah hmun 10, Khawzawl district-ah hmun 5 leh Hnahthial district-ah hmun 4-ah te chhياتna hrang hrang a thlen thu a sawi a ni.



CHIEF MINISTER

Chief Minister Pu Lalduhoman ruihhlo supply titem tura hmalakna Excise & Narcotics Department kuta dah anih avangin hna an ngah dawn a, sum leh pai pawh an mamawh belh dawn a ti.

Chief Minister hian he thu hi nimina Excise & Narcotics Department hotute a kawmnaah a sawi a. Chief Minister chuan Mizoram Ruihhlo Do Core Committee in Excise & Narcotics Department mawhphurhna a pek thar avanga mamawh hrang hrang hre tur chuan an dinhmun leh hmachhawp te hriat an duh thu a sawi a. Sawrkar hmalakna puitling zo ta lo sawi tur a lo awm nual tih sawiin sum leh pai tam tak sawrkarin a sen si avangin chutiang chu tih bo an duh a. Hei vang hian department tinin an project duan te chu Planning Board kaltlang zela thehluh tawh tur an tih thu leh Excise & Narcotics department ruahmanna te pawh thehluh phawt se, a tul anga an lo zir dawn thu a sawi a ni.

Excise & Narcotics department hotuten report an pek danin kum 1984 atanga wawiin thlengin Mizoramah drugs vanga thi 1,842 an awm tawh a. An zinga 1616 chu mipa niin 226 chu hmeichhia an ni a. Kumin 2024 bikah mipa 25 leh hmeichhia 7 an thi tawh a ni.

Excise & Narcotics department hotute chuan zu vanga thi chu mumal taka record neih a harsat thu an sawi a. Tunah hian sawrkar laipui chuan Drugs dona campaign Nasha Mukta Bharat Abhiyan an kalpui mek tih sawiin he awareness campaign hnuaiah hian India rama district 272 te chu drugs laka derthawng bik (vulnerable district) ah puan a nih thu leh Mizorama district 6 an tel ve thu an sawi bawka ni.

<><><>

LOK SABHA

Lok Sabha inthlan thawsarihna leh a tawp ber tur atana campaign theih hun chu wawinah a tawp ang. Inthlan thawsarihnaah hian Parliament Constituency 57 ah June ni 1 ah vote thlak tur a ni a. State leh Union Territory pasarihah inthlan a ni ang.

Inthlan thawsarihnaah hian candidate 904 an awm dawn a ni.

Nimin khan Senior BJP leader leh Union Home Minister Amit Shah chuan mimin khan Uttar Pradesh-a hmun li a kawngzawh huaihawtah thusawiin BJP chuan inthlan thawh nga awm tawhah seat 300 aia tam an lak tur thu a sawiin thawhrukna leh thawsarihna nen chuan avaiin seat 400 aia tam an la dawn a ti a.

Hetihlai hian Samajwadi Party chief Akhilesh Yadav chuan Dudhi Assembly bialahte, Robertsganj leh Mirzapur Lok Sabha bialahte thu a sawi a. BJP chu ramchung thalaite bumtuh puhin INDIA pawl an sawrkar chuan Agniveer scheme chu an hnuklet leh ang a ti.

<><><>

TELE MANAS

Ramchhunga rilru lama harsatna tawkte tanpui tura siam National Tele Mental Health Programme Tele-MANAS Helpline chuan kum 2022 October thlaa din anih atangin betu nuai 10 chuang a nei tawh. Sawrkar laipui chuan ramchhungah rilru lam

hriselna ngai pawimawhin State leh Union Territory hrang hrangah Tele-MANAS 51 hman theih turin a dah a. Union Ministry of Health and family Welfare chuan he helpline be tu hi an pung chak hle tih sawiin kum 2022 December ah mi sing 1 sang 2 velin an biak laiin kumin May thlaah chuan sing 9 chuangin an bia a. Sawrkar laipui chuan rilru hriselna lamah mitinin an mamawh ang puihna an dawn theih nan theihtawp a chhuah zel tih a tarlang a ni.

<><><>

PAKISTAN

Pakistan-a lirthei chesualah mi 28 aia tlem lo an thi a, midang 20 in hliam an tuar. Chetsualna thlenna hmun hi Baluchistan province ah a ni a, khualzin phur bus chak taka tlan chu a ke pakhat a puah avangin khamah a tlan liam a ni. Hliam tuarte hi Basima Civil Hospital ah hruai an ni a. Pakistan Prime Minister Shehbaz Sharif leh Balochistan Chief Minister Mir Sarfraz te chuan chhiatna thleng chu pawin an tih thu an sawi.

<><><>

MAOIST

Chhatisgarh-a Bijapur district ah Maoist hel pahnih Security Force ten an kaphlum. Thudawn danin niman khan Baddepara ramngawah inkahna hi a thleng a. Hel kahhlum zinga pakhat hi hmeichhia niin luman cheng nuai 8 nei lai a ni a. Inkahna hmunah hian silai pahnih man tel a ni.

<><><>